

E sistema geokódigo den promé instante ta hasi uso principalmente di senso pasobra e banco di dato na gran eskala aki ta brinda e promé posibilidat pa operashonalisá i evaluá e sistema geokódigo.

Tambe en bista di e echo ku e datonan di senso mester ta konfidensial i ku pues no por keda tumá ku yudansa di indikashon di lugá di posishon den e sistema geokódigo, a hasi uso di un sistema deskriptivo di indikashon di lugá.

E kódigo nominal aki ta referí a la bes na un área spesífiko riba un mapa topográfiko riba kual tin indiká e forma i e ubikashon di e unidatnan teritorial.

E mapa topográfiko i presentashon di e repartishon geográfiko ta pues, den e sistema aktual ku ta riba pia, un parti integral di e sistema di informashon, pasobra sin e mapanan aki bo no por haña bèk e situashon espasial cq geográfiko di e unidatnan básiko teritorial.

E manera riba kua e unidatnan teritorial ta keda ilustrá den e sistema tin un sèt-ùp simpel. Tantu e áreanan komo e kamindanan ta keda definí komo un punto esta ku e kordinatnan x/y di nan punto medio relativo.



MINISTERIO DI
**TRÁFIKO, TRANSPORTE I
PLANIFIKASHON URBANO**
Servisio pa Planifikashon Urbano

Ruimtelijke Ordening & Planning

Plasa Horacio Hoyer 19, Curaçao, N.A

Tel.: 599 9 433 32 00 fax: 4612697

Email: info.rop@gobiernu.cw

Alle rechten voorbehouden.

ROP

SISTEMA GEOKÓDIGO DI KÒRSOU

Kon a yega na e sistema geokódigo

For di aña 1979 DROV (awor ROP) tabata trahando riba desaroyo di un sistema geográfiko pa agrupá informashon teritorial pa investigashon, planeamentu (planning) i atministrashon. Motibu direkto pa a kuminsá ku e sistema aki tabata agrupashon di informashon teritorial for di e Senso di 1981.

E sistema aktual ta un instrumento ku kual por kodifiká adrès i lokalidatnan i ku por keda poné den zona, barío i kayanan.

Pa esaki a desaroyá e siguiente instrumentonan:

- Un mapa konsistiendo di e zonanan
- Un lista ku tur barío, kaya i sobrá lokalidatnan
- Kordinat di e diferente lokalidatnan

Na 1983 a pone e base dor di fiha:

- 65 zona
- 489 área i barío
- 1369 kaya i parti di kaya
- 9 asina yamá lokalidatnan manera skolnan, Fòrti, prizòn èts..



MINISTERIO DI
**TRÁFIKO, TRANSPORTE I
PLANIFIKASHON URBANO**
Servisio pa Planifikashon Urbano

Riba e mapa korespondiente di e tempu ei e 65 zonan an a keda distinguí ku nan kódigo di kuater òf di dos sifra. Riba dje tambe bo por mira un indikashon di e sistema di kodifikashon.

Despues di a apliká e sistema pa algun aña, a disidí di adaptá e sistema di tal forma ku ta usa un sistema di dos sifra pa indiká e zonan an, un kodifikashon di dos sifra pa e barionan i e áreanan i tambe dos sifra pa e kayanan.

Na aña 1997 a kuminsá ku identifikashon di e barionan den e diferente zonan an dor di delimitá esakinan. Esaki a keda hasí ku mira riba e Senso di 2001 den kual nan ke a entregá e informashon riba nivel di bario.

Punto di salida tabata ku e kambionan no mester tabata asina grandi kompará ku e Senso di 1992 di moda ku un gran kantidat di kas di esun zona lo a muda pa e otro zona pasobra esaki lo a difikultá e komparashon aki di datonan riba un término mas largu.

Otro puntonan di salida pa ku e resultado aki tabata:

- En prinsipio ta sali for di barionan konosí
- Pa keda distinguí komo bario e área mester forma un totalidat siguí ku teritorialmente mirá ta keda bon kla delineá
- E área ku mester keda delineá komo bario mester kontené un kantidat mínimo na kas; punto di salida tabata ku den un stral di 500 meter mester tin minimal 25 kas presente
- Pa keda indiká komo bario e área fuera ku e mester tin un kantidat mínimo na kas, e mester disponé di fasilidatnan komunitario manera un misa, un skol, un sentro di bario, un área komersial i/òf un área di rekreashon.

E sistema geokódigo refiná aki a keda aprobá dor di Kolegio Ehekutivo di Teritorio Insular di Kòrsou dia 20 di sèptèmber di 2002.

Kiko ta un sistema geokódigo?

Deskripshon di e konsepto sistema di informashon teritorial. Un sistema di informashon geográfiko ta un sistema di informashon den kual e relashon entre e datonan i e teritorio ta keda stipulá ku yudansa di métodonan di definishon di lugá o sea e métodonan di geokodifikashon

ku ta lokalísá e datonan den espasio. Pues “Geocode” ta e parti aki di e sistema di informashon ku ta hasi posibel elaborashon di e dimenshon teritorial den un sistema di informashon.

Por distinguí den diferente kaso e siguiente unidatnan básiko:

- Áreanan atministrativo òf ehekutivo manera áreanan di konteo, barionan, munisipionan, regionnan èts.
- Áreanan funshonal manera áreanan di kuido relashoná ku enseñansa, salubridat, transporte públiko èts.
- Retnan manera kaya, kaminda di awa, pipanan èts.
- Ophetonan manera parsela, edifisio èts.

E unidatnan básiko teritorial ariba mensioná por keda ilustrá na diferente manera den un sistema di informashon geográfiko esta pa medio di un punto, un liña òf un strepi???

Finalmente e unidatnan teritorial por keda registrá na diferente sistema esta deskriptivamente òf pa medio di kordinatnan. Ora bo ta indiká un lugá deskriptivamente e kódigo nominal (un number di e área) ta keda konsedé na e unidat básiko teritorial/espasial. E kódigo aki ta referí na un teritorio spesífiko/determiná riba un mapa topográfiko na unda bo por haña bèk e situashon geográfiko di e unidatnan básiko.

Forma i ubikashon di e unidatnan básiko no ta tumá asina den e fail/banko di dato pero a keda sustituí/remplasá pa un kódigo apstrakto.

Ora bo ta indiká e kordinatan, e forma i e ubikashon di e unidatnan teritorial ta keda reflehá eksaktamente. Puntonan, liñanan i superfisienan ta keda pintá den e sistema dor di stipulá e kordinatnan di e puntonan ku ta fiha e elementonan aki di e forma i di e ubikashon.

Deskripshon di e sistema geokódigo di Kòrsou

Base di e sistema geokódigo.

E sistema geokódigo di Kòrsou a keda poné riba pia dor di e nesesidat pa por registrá ku eksaktitut kaminda hende, kas i aktividatnan teritorial ta ubiká.

E sistema aki a sirbi pa realisá e siguiente metanan:

1. E sistema mester akapará hinter e isla, e ta eksiguí hopi trabou di moda ku por mantené e fail/banko di dato up-to-date fásilmente.
2. E sistema mester por agregá adrès di kayanan i nòmber di lugánan riba dos nivel geográfiko, esta áreanan grandi i mas chikitu denter di e zonan an pa investigashon di bario mas detayá.
3. E sistema mester relatá e lokalidatnan na e mapanan kadastral eksistente di e isla.
4. E sistema mester relatá e lokalidatnan na e repartishon di tereno i e indikashon di lugá usual manera esakinan ta keda usá aktualmente dor di e diferente servisio i instanshanan.
5. E sistema mester ta konstruí di unidatnan espasial ku tin un limitashon físiko kla i kaminda ta posibel mester ta homogéneo loke ta trata funshon.

E sistema geokódigo ta distinguí e siguiente unidatnan teritorial:

- a. Zonan an òf repartishon di áreanan manera: distrito elektoral/áreanan di konteo, besindario i barionan. E limitashonnan di e áreanan aki ta fihá a base di e fenomenonan físiko permanente, di e limitashonnan di plantashi históriko, di e repartishon di áreanan planológiko eksistente i di e aktual/ ekspanshon sperá di e poblashon. Hopi bario i besindario ya tabata kadastralmente konosí i delimitá òf tabata kuadra ku e situashonnan di propiedat di tereno eksistente òf históriko. Distinshon di nòmbernan di tereno ta korespondé konsiderabelmente ku e nòmbernan di besindario i di bario manera esakinan ta tradishonalmente konosí riba e isla.
- b. Retnan. Ta trata aki di e kayanan kual ta konosí riba e isla. Den e konstelashon aktual di e sistema geokódigo e kayanan aki ta funshoná komo e unidat teritorial mas chikí pa kua por a kompilá e datonan. Den e sistema aktual un kaya ainda ta registrá a base di e kordinat x/y di e parti meimei di e kaya. Ku esaki e ubikashon relativo di un kaya ta definí.